

Asisko gutuna

2022ko uztaila

1. printzipioa. Eguneroko bilatzea Jainkoarekin harreman pertsonala

165. zenbakia

Asis Sarea eguneroko bizimoduan espiritualtasun frantziskotarra ezagutu edo partekatu nahi duten lagunen sare sozial irekia da.

Otoitza ez dago iluntasunarekin eta zentzugabekeriarekin kontrajarrita. Arimaren egoera horretan ere, era misteriotsuan agertzen da Jainkoa, ikusten uzten ez bada ere. Ilunpean ere Bera da. Badaude horren lekuko direnak.

Gogoetarako gaia

Iluntasunetik otoitz egitea

Otoitzaren mundua, maiz, harmonian bizitzeko bilaketari lotuta dago, oreka emozionalari, nola-baiteko barne-bakeari... bizi garen munduaren zurrunbiloaren kontrapisu gisa. Hala ere, otoitz egiten duten pertsonak benetan mingarriak diren eta zentzurik gabeko egoeretatik ere otoitz egin dute, ez harmonia eta lasaitasuna bilatuz, iluntasunaren erdian baizik. Bizitzak sufrimen gogorak jasan behar diren faseak ditu, ezintasun- eta larritasun-sentsazioak nagusi diren faseak. Nola fededuna izan, nola irekita egon eta Jainkoaren presentzia bizi, Bera erabat isilik dagoela dirudien garaian?

Oinaze-garrasia da, Jainkoaren aurrean egiten den kexa. Jainkoari berari zuzendua dago aienea, ez baita min hori arintzeko moduko beste hitzik. Harengandik bakarrik espero da itxaropenari zirrikitu bat irekiko dion hitza. Presentzia hori onartzeak, guztia ezkututzen duela dirudien ere, bakea ematen du, inoiz bizi izan duenak bakarrik dakiena.

Fededunaren protesta, bere haserrea eta bere kexua Zu batengana zuzentzen dira, Hura dagoen, entzuten duen, erantzuten duen –nahiz eta beti ez ulertu bere erantzuna– eta maite duen konfiantzarekin. Kexa-otoitza, batzuetan lotsagabea eta zalapartatsua, ez da Jainkoari jasaten duen sufrimenduaren berri emateko, baizik eta pertsonaren barru barruan entzun ahal izateko: «Ez izan beldurrik, Ni zurekin nago». Jainkoarekiko harremanari uko egiteko arrazoi guztiak izanda ere, lur-jota egotetik itxaropenara igarotzea posible egiten da; Jainko horren presentziara irekita egotea besterik ez baita geratzen. Egoera konpontzea bilatzen dugunean, oraindik ez gara Berari irekita egotea iritsi. Hala eta guztiz ere bere presentzia isik eta misteriotsura irekitzen garenean, bera da gure oinazea ukitzen duena, gutaz errukitzen dena eta gure salbazioa gertatzen dena. Kontraesana dirudi, baina ilunpetan ere Bera nirekin dago eta maite nau.

Ebanjelio pasartea: Lk 22,39-44

Ondoren, Jesus atera eta Oliamendirantz abiatu zen, ohi zuenez, eta ikasleak ere bai haren ondoren. Hara iristean, Jesusek esan zien: «Egizue otoitz, tentaldian ez erortzeko». Eta, haiengandik harrikada bat bide aldendurik, belauniko honela egiten zuen otoitz: «Aita, nahi baduzu, urrun ezazu niregandik edari samin hau. Hala ere, egin bedi zure nahia, ez nirea». Zeruko aingeru bat agertu zitzaion, kemen emanaz. Eta, larriak harturik, oraindik lehiatsuago egiten zuen otoitz. Izerdia tantaka zerion lurrera, odola bezain lodi.

Frantziskotar espiritualtasuna

Oihuka egin nion Jaunari deiadar,
oihuka Jaunari erregu.
Haren aurrean isurtzen dut neure otoitza,
haren aurrean agertzen neure egoera larria.
Arnasa galtzen ari naizenean,
ezagutzen duzu zuk nire ibilbidea.
Nenbilen bidean
harroek tranpa jarri zidaten.
Inguruan begira eta begira,
baina ez ninduen inork aintzat hartzen.
Ez nuen ihesbiderik,
ez zen inor nitaz ardura.

Zuregatik jasan nuen iraina,
lotsak estali zidan aurpegia.
Arrotz gertatua naiz neure senideentzat,
ezezagun neure amaren seme-alabentzat.
Aita santua, zure tenpluaren maiteminak erre ninduen,
zure kontrako irainak nire gain erori ziren.
Nire kontra pozik elkar hartu zuten;
nire gain zartadak pilatu ziren, zergatik ez nekiela.
Onaren ordain gaitza ematen zidaten eta izen ona kentzen,
on egiten saiatzen nintzelako.
Zu zara nire Aita txit santua,
ene errege eta ene Jainkoa.

(NekOf 5,1-10.14-15)

Otoitza

Jainkoa, Jauna,
ez dakit nora noan.
Ez dut bidea nire aurrean ikusten.
Ezin dut jakin non bukatuko den.
Ez dut neure burua ezagutzen ere,
eta Zure nahia jarraitzen ari naizela
pentsatzeak ez du esan nahi
benetan hori egiten ari naizenik.

Beraz, zugan konfiantza izango dut beti
heriotzaren itzalean galduta dirudien arren.
Ez naiz beldur izango
beti nirekin zaudelako,
ez bainauzu arriskuen aurrean bakarrik utziko.

Amen.

(Thomas Merton)

Baina uste dut atsegin duzula
nik zuri atsegin emateko nire gogo.
Eta espero dut desio hori izatea egiten dudan guztian.
Espero dut inoiz ez egitea desio horren kontrako ezer.
Eta badakit hau egiten badut
bide zuzenetik eramango nauzu,
nahiz eta ni horretaz konturatu ez.

Gutuneko azken hitzak

Ilunpetan ikusi nahi banauzu, bedeinkatua izan zaitez; argiz blai ikusi nahi banauzu, bedeinkatua izan zaitez. (Kempisko Tomas)

2022ko uztaileko eguneroko Ebanjelioa

Egunero Ebanjelioa irakurri nahi duten lagunek, egun bakoitzari dagozkion irakurgaien arabera, hemen dauzkate erreferentzia guztiak:

1 Mt 9, 9-13	8 Mt 10, 16-23	15 Mt 12, 1-8	22 Jn 20, 1.11-18	29 Jn 11, 19-27
2 Mt 9,14-17	9 Mt 10, 24-33	16 Mt 12, 14-21	23 Jn 15, 1-8	30 Mt 14, 1-12
3 Lk 10, 1-12.17-20	10 Lk 10 25-37	17 Lk 10, 38-42	24 Lk 11, 1-13	31 Lk 12, 13-21
4 Mt 9,18-26	11 Mt 19, 27-29	18 Mt 12, 38-42	25 Mt 20, 20-28	
5 Mt 9, 32-38	12 Mt 11, 20-24	19 Mt 12, 46-50	26 Mt 13, 36-43	
6 Mt 10,1-7	13 Mt 11, 25-27	20 Mt 13,1-9	27 Mt 13, 44-46	
7 Mt 10,7-15	14 Mt 11,28-30	21 Mt 13, 10-17	28 Mt 13, 47-53	

Geure web gunea bisitatu

www.asissarea.org



Asis Sarea

646 21 48 96

Ekaineko otoitza hilaren
28an izango da.